


余承乏津邑十有三年矣才識樛昧未
克有惠澤及民稽古循良每滋愧悚願
以幼承先祖之訓切々以良心二字服
膺朝夕凡吾民之不得其所不啻疾痛
之在吾體而寢饋皆為之廢久之雖乏
治効而境內數萬家一一如在堂戶間
不煩家諭戶說而人々亦共喻此意也

間于歲豐務閒時偶為修舉廢墜次第而行之士庶欣然樂從無後者逮修城後興子來趨事不待督責而如期告竣余得免於隕越實足徵人心風俗之厚而非余之涼薄所能驟化也因念邑志自韓君纂輯之後有劉君續編距今纔十餘年而一切損益興除著為令甲以及邑人之媿言

善行見聞所及亦已繁夥愆其久而湮
沒也紳士合詞請余增修余惟志者史
之細也史有曰前書未善而改為者新
舊唐書是也若謝沈著後漢書百卷習
鑿齒作漢晉春秋之類皆自矧一例自
成一書不妨與正史並存而商文殺通
鑑綱目補編則直接前書而為之義各
有所取也余乃多方諮諏纂輯成書而

訂正於吾鄉萍補山太史太史曰于子
之作知子之政善：從長厚也若網在
綱自成條理明也不為謬悠無益之說
而闡幽表微與史家之義法合符公也
昔吾鄉康對山之武功志韓五泉之朝
邑志皆以簡質為文家所宗豈徒以卷
帙浩博見長哉余之政拙而踈于文邑
人固知之矣因命工鋟版以附兩志之

復覽者取其意而畧其詞可也
乾隆三十五年庚寅月文林郎知利
津縣事加級渭南程士範撰



與修縣志姓氏

裁定

朝議大夫武定府知府靈泰

奉政大夫武定府同知駐防利津寶興

纂輯

文林郎利津縣知縣程士範

叅訂

利津縣教諭劉其焯

教諭借補利津縣訓導張本大



編校

利津

縣

典

史狄培

採訪

副貢

生李嘉言

歲貢

生趙璞

廩生黃維坡

庠生彭大剛

利津縣志補目錄

總序

與修姓氏

各卷目錄

第一卷營建志

城池

公廨

倉廩

壇廟

津梁

坊表

第二卷田賦志

里圖

戶口

地糧

起運

存留

漕糧

倉糧

運司錢糧

鹽課

第三卷官師志

副知

知縣

縣丞

典史

巡檢

教諭

訓導

監大使

防飄

第四卷流品志

進士

舉人

恩貢

副貢

拔貢

優貢

歲貢

例貢

例薦

掾史

武進士

武舉

懋官列傳

篤行列傳

孝義列傳

一行列傳

列女傳

第五卷藝文志

文

詩

賦

第六卷事類志

近歲祥異

記聞二則

記禱水全城一則

補錄忠節許公銓利津城池事

新津縣志補卷一

營建志

志以補稱後之所未及前之所宋備皆當載筆願
以文獻無徵郭公夏五傳聞異詞綴緝祇詳近事
爾若夫天文星野古不係於一邑山川景物理豈
變於十年故營建稱首焉修城一大役也其他補
漏舉墜事有緩急功有難易要惟盡守土之責而
成民事神皆足以壯封圻覘政俗也作營建志第



城池

津邑舊係土城於乾隆三十三年知縣程鎮勳與
修易土以磚並建城樓四座又於城東南隅作護城
石泊岸一座長四十五丈三十五年五月報竣有碑記
公廨

同知署係武定府分防利津乾隆元年建於豐國鎮
十七年坍塌廢今就城內僦民居寄治

縣署二十五年知縣程捐俸重修大堂等處

學署久經坍塌廢三十二年知縣程署教諭張本

倡率閩邑紳士捐修教諭署在鄉賢祠東正房三間
住房三間廚房三間班房二間大門一座訓導署在
義學後正房三間東廂三間圍垣門樓具有碑記

倉廩

三十年知縣程相俸就舊址改建高敞堅固不患漏
濕

壇廟

先農壇三十二年知縣程相修

城隍廟二十八年及三十五年知縣程相捐修有

碑記

關帝廟在西關者爲秩祀之所知縣種於二十五年
捐建 敝聖祠同知實於三十四年倡捐重修擴充
舊址添建官廳一在北街者三十三年知縣程勸募
重修一在西城門中者三十四年同知實捐俸重修
八蜡廟三十二年知縣程捐修

劉將軍廟三十二年知縣程捐修

學宮圍牆并西廡二十八知縣程勸捐重修

奎壁樓在學宮左二十八知縣程重修

文昌閣在東門城樓三十五年知縣程倡建塑像
朱衣閣在東南城角臺之上三十五年知縣程勸捐
增建有禡

津梁

雲路橋在學宮前三十二年同知寶捐修培高槐樹
潭畜諸魚

登雲橋在西門外三十五年知縣程捐建石工
坊表

烈女坊在李家橋爲張小端姐建一十五年奉

利津縣志補卷二

田賦志

是卷所錄皆有司之掌故可按籍而稽也然考禹
貢洪範周官以及歷代史家所稱未有不此之慎
者土地所出民力存焉經費所垂國用制焉推乎
一邑達乎四海非王政之本歟志中戶口之蕃息
滋盛以倍墾田則累增於近減稅則數損於前樂
樂利利

國家之重熙累洽垂之萬禩無窮也吾民亦何幸哉

煮海牢盆阜財解慍之一以類相附作田賦志第

二

里圖

東鄉拾肆地方壹百壹庄計叁拾叁甲共肆百玖拾

壹牌壹千陸百玖拾貳戶

南鄉伍地方肆拾捌庄計柒甲共壹百玖拾柒牌貳

千伍百貳戶

西鄉拾地方壹百柒庄計玖甲共肆百肆拾伍牌肆

千捌百捌拾玖戶

北鄉拾壹地方陸拾捌庄計貳拾甲共叁百壹拾貳
牌肆千玖百捌戶

戶口

東鄉丁男大小貳萬玖千伍百伍拾伍丁
南鄉丁男大小壹萬貳千捌百貳拾壹丁
西鄉丁男大小貳萬肆千陸百肆拾玖丁
北鄉丁男大小貳萬貳千壹百柒拾陸丁

地糧

上地原額壹千陸百玖頃貳畝零共徵銀柒千玖百

肆拾柒兩伍錢玖分叁釐徵米貳千柒拾伍石捌斗玖升叁合零

中地原額壹千伍百陸頃陸拾捌畝零徵銀肆千伍百叁拾貳兩玖錢捌分零徵米壹千壹百捌拾肆石叁合零

下地壹千貳百肆拾陸頃陸拾貳畝零徵銀肆千柒百叁拾伍兩壹錢伍分玖釐零徵米壹千貳百叁拾陸石捌斗壹升貳合零

乾隆拾捌年海水漫溢請豁銀壹百陸拾玖兩柒錢

捌分貳釐貳拾年海潮講豁銀叁百壹拾柒兩貳分
柒釐貳拾肆年海潮知縣程 勅詳請豁銀壹千捌
百貳拾叁兩陸分肆釐

荒田地叁百玖拾叁頃柒拾壹畝捌分零徵銀肆百
肆拾壹兩伍錢壹分捌釐

雍正拾貳年勸墾踰額額外荒田地肆頃捌拾肆畝
零徵銀肆兩捌錢肆分貳釐

乾隆拾捌拾玖兩年勸墾踰額額外荒田地壹頃肆
拾叁畝零徵銀壹兩肆錢叁分玖釐

通共徵銀貳萬伍百壹拾兩玖錢壹分玖釐遇閏加
增銀肆兩柒錢玖分叁釐

地丁銀壹萬肆千伍拾柒兩叁錢捌分叁釐
折色脚價銀陸拾柒兩玖錢叁分叁釐

歷科舉人車價銀貳兩玖錢捌分仍舊

存留

官俸役食銀壹千捌百肆拾壹兩伍錢伍分玖釐仍
舊

里甲夫馬銀壹百肆拾伍兩捌錢玖分叁釐

夫銀貳百叁拾伍兩柒錢捌分玖釐
走遞馬叁匹馬夫貳名半

漕糧

德州倉改兌本色正米并一切耗米共壹千陸百柒拾石叁斗全數撥運青州作滿兵糧糈

蓆草銀壹拾貳兩叁錢玖分

脚價銀貳百壹拾叁兩陸錢叁分肆釐

盤費銀玖拾壹兩壹錢伍分捌釐

潤耗銀陸拾捌兩肆錢伍分伍釐

運軍行糧折色米銀壹百貳拾貳兩玖錢叁分伍釐
閏月銀肆兩柒錢玖分叁釐仍舊

倉糧

臨清倉米折銀貳千叁拾貳兩叁分陸釐

蓆草銀貳拾壹兩壹錢叁分捌釐

腳價銀肆百叁拾陸兩壹錢

盤費銀壹百肆拾陸兩捌錢伍分

德州常豐倉粟米折色銀玖拾壹兩陸錢玖分貳釐
腳價銀壹錢捌分叁釐

運司錢糧

民佃灶地銀壹百柒拾伍兩肆錢玖分

二次加攤銀壹百陸拾兩壹錢貳分捌釐

腳價銀壹兩玖錢叁分壹釐

又民佃灶地銀壹百肆拾陸兩肆錢貳分肆釐

加攤灶地銀壹百玖兩捌錢柒分

又壹兩陸錢壹分叁釐

腳費銀玖錢叁釐 以上肆項俱在額徵之外

代解富國場今改撥永阜場改徵灶地銀玖兩伍錢

捌分

解費銀肆錢壹分捌釐

以上貳項俱係捐解

鹽課

原額票壹千叁百張餘票壹千張徵銀伍百壹拾叁兩貳錢柒分肆釐

巡役共貳百肆名工食商支

灘池肆百肆拾貳付

額運鹽陸拾貳萬

灶地肆百叁拾叁頃陸拾壹畝伍分徵銀捌百叁拾

貳兩玖錢玖分柒釐

嫌廢灶地貳百柒拾伍頃叁拾陸畝壹分伍釐
壹百捌拾柒兩壹錢玖分陸釐

利津縣誌補

卷之二

十四

津縣志補卷三

官師志

官吏之設食租衣稅將責之勞心以治人耳漢世
令長之賢者多被徵用至臺閣而唐宋簿尉皆以
士人爲之故治行往往可紀蓋學道愛人痾瘵民
瘼朝發而夕被之矣今

天子軫念元元勤求治效考績課最待以不次之擢
然或急於見功而不循其序或銳於求名而不旣
其實何以稱善治乎父母之於赤子情至而事起

亦以盡吾心之不能已焉耳邑濱海廣斥民寡蓄積而益利所生或逐於末幸愿樸未漓久而信予之拙誠也前志多自侈治績義無所取今祇列名姓爵里使後之覽者指曰某也廉某也能某也闕茸嗚呼其可掩哉其可不戒哉作官師志第三

同知

秦 都舉人山西夏縣人雍正十三年任

馬兆登監生浙江山陰人乾隆元年任陞東分司

張 廸舉人江南丹徒人三年任八年請終養以去

張觀棟監生廣東南豐人八年任十三年降調

詹彬優生江南宣城人十三年任十八年乞休

寧泰內閣中書滿洲正紅旗人十八年任二十六年推鳳翔知府去

葛德溥貢生山西安邑人二十六年任三十一年調
兗州府臨城同知有去思碑在西關

寶興監生滿洲正藍旗人三十一年任三十五年
推陞廣西潯州知府

知縣

程士範字井野辛未進士陝西渭南人二十四年任
縣丞

張登元監生江蘇無錫人二十四年任陞萊陽令
王昇優貢山西武寨人二十八年任工書能詩卒
於官

丁應甲附貢江蘇武進人三十二年任以艱去
典史

史邦翰監生安徽桐城人二十六年任以艱去
朱錡吏員河南湯陰人二十九年任以病去

張培吏目借補江南吳縣人三十年任

巡檢

周鐸內供江西金谿人二十二年任

教諭

牟永澄舉人棲霞人三十一年任以艱去

相景雲舉人泗水人三十三年任以艱去

劉其焯舉人東阿人三十四年任

訓導

蘇持銓歲貢博山人二十四年任

李振鵬歲貢壽張人二十七年任

彭霽歲貢滋陽人三十一年任

張本大舉人榮城人丙戌簡選借補三十二年任

永阜鹽場大使

曾敏傳貢生江西龍南人二十五年任

方臺吏員安徽石埭人二十八年任

胡叙寧舉人湖南清泉人三十三年任

防汛

城汛外委把總一員帶馬兵三名守兵十六名更

巡訪

辛庄汛外委把總一員帶兵一名巡緝私葷



將津縣志補卷四

流品志

鄉舉里選之變而爲科舉勢也前明雖三途並用而進士之勢偏重而一代清英之士出其中者十常八九蓋天運亦隨人事爲轉移也我

朝稍矯其弊立賢無方內而卿寺外而藩屏才能可勝者未嘗以資格限也然竊謂不舉進士則可不學則不可韓哀附輿不如範之九達之衢離婁夜視不如益之燈燭之光率天性之善而克踐古人

之成迹其爲過也寡矣若夫匹夫匹婦執義不回
獨成其是雖未本於詩書益亦風俗之漸漬焉嗚
呼先王之所以廣厲學官其教深矣作流品志第

四

進士

李 璠 戊辰科梁國治榜現任曹州府教授

李 源 己丑科陳初哲榜現任在平縣教諭

舉人

劉佩珂 乙卯科任四川潼川府遂溪縣

嚴濟哲 庚辰科

趙世佑 庚辰科

黃維壑 乙酉科

劉世傳 乙酉科

趙華 乙酉科 世裕子

胡心田 戊子科

恩貢

石 愫 辛巳

副貢

蓋之榛 壬午

拔貢

李 協 乙酉

優貢

趙士鶴 壬午

歲貢

張兆鵬 壬申現任昌邑訓導

劉永祚 戊寅

許廷儀 庚辰

著九錫 壬午

趙璞 甲申

段有庸 丙戌

許有總 戊子

綦正恆 庚寅

補遺

許宏宗 康熙壬寅

例貢

李 聖 附生

司律孫 志 補

卷之四

三

李 曷

增生

紀懷綸

附生

薄毓泰

增生

例薦

張 政

兵馬司副指揮陞廣西布政司經歷

李嘉猷

優附貢候選布政司理問

稼史

紀肅瑩

候選刑部司獄

胥化榮

任江西萍鄉縣典史

武進士

劉邦憲 己丑科武進士鹽鈔侍衛

武舉

蓋嘉蘭 壬午科

劉大勇 戊子科

牙
牙
身
言
不

身
身
身
身
身

三

懋官列傳

張志奇張士英傳

張志奇字鴻儒北鄉孟家庄人由庚戌進士歷官直隸
三十二年餘年至宣化知府所至有聲績初宰內邱值
墾荒令下他邑率承指以多報增賦爲功志奇徑以
地無可墾上陳且面爭於新藩張鳴鈞曰邑人多地
少實無曠土近山一帶磽确之地或貧民力耕火耨
亦皆不成畛畦山水衝激旋墾旋廢今若責令陞科
勢必盡行拋棄是非爲墾而勸之荒也語甚力卒得

所請兩任天津商會之區不名一錢河東四甲貧戶
萬餘以掃賣土鹽爲業一商欲網其利呈請開池收
買搭運院檄志竒與運同某查辦商以千金進志竒
志竒笑曰吾雖愚豈以千金易萬人詛咒乎遂主稿
上五不可議而事以寢遷冀牧調涿州擢守宣化所
至差務絡繹興學利民皆能規以遠大肆應裕如而
民不擾冀州有王見成被人殺死屍親以某某有風
嫌指名首告反覆研審卒無確據因詳請另緝真兇
後任竟以某某抵罪制府面詰之志竒曰某某誠迂愚

辨每事必求心之所安此案未安於心雖得罪無
也後在官化終以此案降調引

見以同知用時母年已逾八十遂告養以歸志奇內
行瀉備先世壽皆六十二父至其年大病志奇晝夜
叩天額禱願減已算十年益親經兩月雙膝盡腫竟
得延父壽至七十有二從兄某貧無依爲之構室供
給時日無錢至老死鄉人某素拘墟因仲弟士英乘
騎不下積恨成仇志竒知之率士英要於路曰吾弟
得罪先生今使之泥首通衢願勿復校某驚扶垂泣

曰朝重誠辱我而君顧如此我則非人矣遂冰釋朝重士英字也其居鄉退讓多類此呂姓貸人數百金季弟爲之保任呂貧不償志竒怒辱季弟討子母代還二千餘金不足撤衣服器具與之而家遂替不恤也凡官畿輔者皆以正人稱之鄉人亦云今七十猶矍鑠而仲弟士英亦爲畿邑永清令因附著焉

士英字朝重以國學生投効河工敏幹能任事題授永清知縣簿書期會之外雅識治體如勸立義倉施粥活民請旌節烈五人以扶樹倫常皆非俗吏所能

爲也常因河工辦料乘舟伏灘中落水幾溺死後
委辦河工在三百里外爾邑中蝗起竟以捕蝗不力
更議罷官人咸憫之歸卒於家初士英與兄同官相
近太夫人迎養在署在奉定省無闕而督工河壩風
雨聯床至三月之久又嘗兄弟于一堂錄囚人以爲
奇遇焉

論曰史家無生傳由惡者期于晚益善者亦俟論定
也志奇治蹟卓卓而懸車已久今名其可保矣故傳
之士英罷非其罪而承濟人至今尸祝之其自叙事

永濟縣志卷之四
畧中有自然鐘樓記文理燦然志青言嘗至其外博
羅素地方晨起有聲四面而擊如灶上火燃日出乃
止問之同人曰此所謂邊聲也其說甚新並志于此
以廣異聞

趙森傳

趙森字錫廷少孤克家善居積以勤儉致富援例入
太學久之選平陽府經歷經歷間嘗每遇差委人所
縮手不肯承者挺身任之不辭勞瘁上游皆倚任之
歲旱太守禱雨于龍寺森與事則輒應不在則否

每有新禱守必尊屬之曰趙君誠慤無私度其能感
格天心也及行禱則又輒應人咸異之在任十年復
捐陞知縣謁選入都以目病廢卒于家初森母苦節
干例應旌森籲請得建坊祠祀母歿恨不得終養遇
外家特厚鄉人稱其敦睦

論曰天道遠矣祈而輒應事亦偶然然非心厯民瘼
而朴誠久孚於上官何以相信若是卽使臨民肯爲
毛勢乎惜其浮沉冗散不一試手司牛羊之牧惜哉

篤行列傳

黃克述呂尙健紀恩詩傳

黃克述字憲宗家于西村四歲而孤與母兄居母蔡氏有女節事母以孝聞性嗜學貧無所得書嘗從人借讀邑長者見而竒之或資以膏火入庠食廩卒不利于進取因以所學教人弟子嘗數十輩其教必以品行節概爲先文藝次之仁而能斷不事家人生產贅脩所贏每以濟人之急意豁如也曠而德業益進自以生平所爲多不愜作百勿堂以示及門

佩藏之年六十卒至無以爲殮具遠近弔者皆哀涕
有餘羣謀買田供時祭并立碑志焉知縣程聞而義
之爰與兩博士襄成其事

呂尙健字乾如邑諸生也爲人嚴謹自飭寡言詞崇
實行刻意勵學冀以光前緒而卒嗇于遇然其子姓
孫曾纍纍膠庠天或將大所積而一發之也乾隆元
年紳士以齒德公舉授八品冠帶有庭訓條約藏于
家壽九十有四終

紀恩詩字歌起邑諸生事父母疾以孝聞居喪能盡

衰禮與從叔析箸悉以祖產讓之閉戶掃塵讀書有
所會心隨手摘錄牆壁杖几幾無隙地壽至八十餘
猶日親研墨神明不衰云

論曰學將以行之也苟能行雖不文何害况彬彬稱
儒雅乎克述余嘗見之朴茂有古風旣歿使人社祭
不忘德可知已尙倂恩詩壽近百歲實行皆可書于
惇史憲老乞言宜其爲鄉祭酒也

才
准
果
言
有

卷
之
四

三

孝義列傳

隆萬里尹蘭劉永祚蓋玠傳

隆萬里字鵬程庠生家素貧奉親必具甘旨侍母疾
及喪盡志盡哀面如死灰以父在勉餼餽粥一夜火
發延及柩室救焚者還至而力苦難施萬里乃被髮
徒跣號呼而入將以身殉而所到火疑自熄衆亦感
奮力救遂得無恙父名克賢武生年百歲而強殆天
佑篤孝而使之得遂其養與萬里內行甚備凡皆以
孝推之可無具書

尹蘭貧民目不知書而至性過人。事父至孝。察其所欲。竭力供備。不以有無爲解。後父病危。無以具棺衾。與妻謀。將鬻其子。鄉人聞而止之。釀金爲轄。以殯。後愈貧。爲人傭。每歸家。必先詣墓。哭拜道。路慘不忍聞。其慰解之。

劉永祚字裕昆。歲貢生。事繼母以孝。謹聞撫弟友愛。操履清梗。晚年結廬城陰。而居。未嘗再履塵市。有隱君子風。

蓋玠贊禮生。父治虹。增生早逝。玠數歲呱呱而泣。蓋

拜如成人母魏氏二旬守節家貧如洗備極色養母
病延醫數百里外顛天以代母亡哀毀幾絕士民公
舉孝行濟東道 張邑侯李 給匾示旌
論曰孝根于性而好名者或竊其似強者割股弱者
廬墓考其行而不掩者多矣若萬里不恤其死永祚
能奉繼母蓋玠善事孀親皆在德行之科而尹蘭以
農瑣終身孺慕嗚乎可以風矣

一行列傳

隆進賢劉德寬傳

隆進賢字良弼監生捐縣丞職有內行樂推所有爲

善不倦捐谷實倉輸金繕學宮慷慨無吝色雍正九年大祲煮粥濟飢出家屢減價平糴全活無算妻之從子李維柟生未週歲父死母嫁進賢收養之至成立仍爲之娶婦生子營產業焉

劉德寬字惠溥業儒未就幼赤貧事母孝後漸殷實卽以濟人利物爲心夏施茶瓜冬施綿衣鄰里親故

牙
論曰古者睦婣任卹上以此爲教下以此爲俗實乎
吉凶禮不具者極力傾助生平樂善之事難更僕數
尙矣中世殖財自肥視族里之顛連如秦越而豪俠
者或因之市德樹黨事雖近于義舉而義意非矣若
隆劉二子各以孝弟之行推而暨之所謂由本及末
不流于兼愛之煦煦也司風化者宜表章之以爲世
勸

陳潔程光前李惇傳

陳潔監生家豐好義海口崢嶸嘴蕭聖廟地苦卑濕

頻侵于水潔倡施三百五十金築址數尺重構殿宇
壯于舊規遊觀頓增氣象二十四年三十三年海潮
大災拯活大小男女至五百餘人嗚呼濱海之地人
與水爭利而害乘之潔豈分已溺之憂者歟

程光前字榮先性淳樸樂施與居里故瘠貧子弟秀
穎者往往以無力罷讀光前慨然曰置義塾延經師
是吾事也未及就而病卒切切以遺命其子子男三
曰偉曰儒曰儉合力翔建以成先志
李惇業監賈雍正十三年捐地六十畝入普濟堂當

道給匾示旌

論曰蕭聖不在祀典意者山海之間其神最靈故胥
蠶勿替焉而潔乃以巨金鳩工勇于爲善宜其能救
漂沉之衆也光前嘉惠後學有子繼志惇以經商獨
加意于惠區施田垂久可不謂好義者乎

列女傳

節婦林許宋劉氏傳

林氏邑舉人林森女適同邑綦應運十九歲而寡子長齡甫一歲氏撫子守貞勤女紅供甘旨事翁姑以孝稱子稍長延師訓誨慈嚴並至姪男女四人婚嫁如已出歉歲出餘粟贍族人里中賴以舉火者甚多卒時年八十有七長齡庚子歲貢孫存恒正恒等書香縣遠乾隆十九年奉

旨建坊入祠武定教授耿賢舉嘗爲之傳

許氏候選經歷彭清洙繼室萊燕許仁厚女十七歸
彭姑劉氏在堂能孝事二年夫亡子大剛方生八月
氏痛哭欲死劉氏泣諭之曰汝身殉夫呱呱者將誰
恃且獨不念老人耶氏收淚而止迨姑歿禮葬大剛
漸長就傅晝誨夜課身兼父師竟成立爲諸生氏終
以未從夫地下爲憾力辭請旌年六十而卒

宋氏趙柱妻農家女也夫亦躬耕而食饁餉如賓有
冀缺風歷十有一年夫亡氏年二十有八二孤皆髫
髻晝夜勤績以奉翁姑養生送死人咸忘其出於

幾也長子之蘭授室生孫而又夭折婦劉氏依姑守志共勵冰霜焉氏今五十八歲方受次子之養而孫亦成立婚娶家道復昌

劉氏歲貢劉敦倫女歸于張鵬齡事繼姑稱孝不數年鵬齡病且亟語以守節之難氏知夫意諷已卽以天日矢之夫歿無子遺一女氏貞居四十餘年綜家政郵親族人無間言此他日可見夫於地下矣邑孝廉趙世佑嘗爲之傳

論曰程子云餓死事極小失節事極大此二言昭揭

天地間而夫婦之分以定若林許劉皆出清門夙嫻
禮教然非性堅金石奚以耐數十年之淒風苦雨哉
宋氏以田家女婦顧能甘節傾否而終以不死爲憾
亦趙氏之嬰白也

郭室趙氏楊氏世節傳

趙氏諸生簪女年十七歸郭在都數載夫不祿以姑
老子穉忍死稱未亡人晝則奉匱調羹夜則推乾就
濕淚痕多在襟袖而未嘗嗟怨迨二子婚聘咸望當
戶而長貞又死婦楊氏年十八耳哀泣五日不食

從夫以死姑與氏再三嚶諭之曰貞也死我兩老人
食不下咽汝所見也汝復舍生當相率從汝後矣楊
氏乃矢志守貞以君姑爲楷則

楊氏監生執蒲女十六而嫁二年而喪所天遺孤崑
萬在襁褓裸痛念姑趙守節鞠子而未終其養也執婦
職恆掩泣爲笑祖姑猶在扶持抑搔輒代姑勞洎祖
姑與姑相率壽終竭力營葬不以夫有弟介而自謝
其責食貧育子閔斯爲極旣長爲娶於陳生子兩月
而崑萬又病卒天之厄郭氏可謂酷矣而婦陳習見

兩世清節亦以黃鵠自矢趙氏歿已多年而楊氏亦近六旬司訓張本大爲作傳此其大畧云

論曰人以彭殤爲欣戚天則不然其所以折挫之者安知非以成就之至于累世不壽寄一綫于閨閣卒之祚延而名亦播誰謂纖弱不足植人紀哉嗚呼霜雪疊降其後必有陽春吾以理斷之矣

紀劉趙氏傳

紀氏于魯之妻十八于歸以勤勞佑夫讀其事翁姑婦道尤備迨夫故氏年二十七子方數月義當撫育

蕭舅姑俱在仰事俯畜一身肩之無愆于儀子永徽
長而就傅少有荒惰卽以涕泣代夏楚遂發憤卒業
爲諸生有聲人皆歸功母教焉邑人欲上其事氏不
欲曲止之今年五十九歲

劉氏廩生李崑妻生一女而無子夫死年二十餘孝
養舅姑以卒夫志繼母遺一幼弟氏撫之如子至于
讀書成名遂取其子文鰲爲嗣

趙氏李泰期妻二十歲守志孝事姑嫜撫孤延祀貧
而不怨衣食皆于十指取辦卒全其節今年五十七

論曰荼蓼之守難于死非鐵石心腸不能被儼然鬚眉而或以貧困自污者可以愧矣女而能貞孝慈必兼盡無缺非有竒特之事可勿觀縷也

蓋氏孫氏馬氏傳

蓋氏王正禮妻早寡撫二子守貞艱辛萬狀事翁姑以孝稱後家漸饒裕次子峩入太學乾隆二十五年奉

旨旌表教諭孔毓炳嘗爲之傳

孫氏庠生趙吉仕之妻二十二歲夫亡子幼姑老氏

從夫治命冰蘖自勵紡績以供甘脆教子銅勲成名
馬氏趙明紀之妻與孫氏同族共居雙堂趙家街夫
死子未週粹氏矢志靡它食貧以存趙孤名之學山
長入太學遠邇欽矚其節三十三年督學使者張公
若漑采風給匾孫氏亦同時額旌

論曰苦節可貞其性定也如謂以生前無窮之苦易
身後不可知之言豈人情乎

朝廷有褒善之典輶軒有表宅之旌維風砥俗豈爲
一人然非有子克家籲請懇懇蓬戶窮嫠何能上聞

禾泃果言補
卷之四
於當路哉此亦有幸不幸耳

李氏傳

李氏官莊武生李昌運妻笄年來嬪二十歲稱孀撫
子麗著以嚴濟愛夜率婢媪績紡命子誦書其側必
聽其上口成誦乃令就寢娶婦生子遭疾遽天氏於
此時慘割殊不欲生而婦王亦指天自誓熒熒一室
相依爲命未幾孫連羣破傷中風垂斃醫皆謝去而
氏與婦晝夜守視執手泣涕及第八日忽醒漸以痊
減月餘而愈殆苦節蒙神天護佑也治家整肅有法

虞僕婢語高聲者必譙呵之門設常關叩扇者音不
相熟决不使開氏年六十一王氏亦四十餘
論曰梧桐之上常棲鳳凰喬松之下或產茯苓物類
以氣相感而况人乎况骨肉天性之間乎李氏貞操
教子綽有古媛之風且近型于門內矣惟同姓連姻
犯吳孟子之譏咎有所歸於氏何尤

烈女張氏傳

烈女張小端姐隨父文生寄監生黃淳屋以居淳窺
女妍好夜往調之抗拒不從遂以羞憤自經二十五

年七月事也女父鳴官甚實黃淳論死剖議奉

旨旌表建坊祀節孝祠

論曰余讀詩至行露而哀之燕婉之求至速獄訟而終以不從絕之矧以貧窶寄人廡下而免強暴之汚者哉芝草無根醴泉無源於烈女之事益信

節婦無事實可據者列後

彭清瀨妻楊氏二十五歲守節今七十有二

朱永成妻朱氏二十一歲守節七十六歲卒有子

孫士敬妻劉氏二十歲守節今年五十有二

陸世楠妻劉氏二十二歲守節今年五十有一

趙士麟妻劉氏十九歲守節今年五十有二

監生李思永之母趙氏失其夫名二十歲守節七十

三卒

趙其純妻李氏二十六歲守節今七十歲

李恬妻劉氏二十三歲守節今五十四歲

李怡妻趙氏二十餘歲守節撫孤成立今年八十二

歲

李懋妻劉氏十八歲守節以庠生李悌子維績承嗣

現年四十二歲

右十人皆以節著然並無實蹟不能作傳或係採訪未詳姑存其概以待覈實

總論曰柏舟之次章曰之死矢靡慝或愆于儀或不
宜于家皆慝也豈獨在奪志哉彼父母不忍于寡女
固由禽犢之愛抑亦恐貽之羅歟前史載列女不專
貞節孝慈賢明而所遭則有菘枯飲冰茹荼不受造
物所厄蓋其難焉

利津縣志補卷五

藝文志

文章之道關乎氣運一代不過數人而斤斤于一
邑求之難已然邑乘所載必其有係于風土政教
而其文不至于弇鄙者然後採入尤其難已抑吾
觀古者太師采詩爲列國之風其閭巷歌謠多士
君子之所不能道其果古今人不相及歟抑亦有
有託而言而特沒其名者歟茲卷登載無多首碑
版之交而以他詩文編次附焉雖乏浩博之觀披

華啟秀是亦何可闕也作藝文志第五

文

重修揚威侯廟記

知縣程士範

士範自己卯季秋來宰是邑見揚威侯祠卑隘且無垣墉芻牧不禁非所以妥神靈而壯觀瞻卽捐俸修葺四時致祭迄今已逾六載仰荷鴻庥蝗不爲患久欲攷侯之功績以彰靈顯經史之學實慚固陋甲申仲冬晤卽墨令尤君淑孝于歷下出重修侯廟紀實示余備載始末深愜素志因敬錄刻石而寘之壁

日景定四年三月八日皇帝勅曰國以民爲本民以
食爲天食尤重于金玉是以后稷教之稼穡周人畫
之井田民命之所由生也自我皇祖神宗列聖相承
迨茲奕葉朕嗣鴻基夙夜惕若邇年以來飛蝗犯禁
漸食嘉禾宵旰懷憂無以爲也黎元咨怨末如之何
民不能祛吏不能捕賴爾神力掃蕩無餘上感其恩
下懷其惠爾故提舉江州太平興國宮淮南江東浙
西制置使劉錡今特封爲揚威侯天曹猛將之神爾
其旬撫庶血食一方故勅按將軍爲宋中興名將之

一順昌大捷後敵人聞名喪胆今以餘威剪除蝗蝻
宜不足當其一掃矣以芘我人民以蕃我穰黍享祀
不忒自今兮欽于世世

禱雨文

張本大

維乾隆三十二年四月二十四日利津縣知縣程士
範牒行儒學訓導張本大爲亢旱已極急赴海濱敬
取靈水以祈甘雨以蘇子遺事本大卽日齋戒沐浴
越翼日戊午步至海上敢昭告于

幻水坭之神曰食爲民天農惟政本人安物阜端有

賴于西成雲行雨施實所望于東作利津瀕河
沿海民貧惟冀雨暘時若庶幾粒食安居奈三冬雪
薄未聞數尺之盈首夏陽愆莫慰崇朝之望流金爍
石鞭雷公以何從簸土揚塵訟風伯而奚自草木則
莫遂莫達山川則如炙如焚方秀麥苗那見干哇浪
滾未布種種奚由五穀豐登况民皆懸耜未能種粟
焉能種綿飢啼且虞夫寒號邑方鳩工徒見負鋤耒
見負耒米昂易至于財匱上年清河泛溢泣商羊者
率多蕩析離居今歲赤日暵蒸憂旱愬耆能勿痛心

疾首焚巫暴尫究屬虛文吐霧興雲端賴神佑恭維
聖水靈池居層波之地獨顯清冷佐百谷之王靈披
利濟邑乘誌其美應品彙賴以沾濡伏望嘔氣成雲
噴沫爲雨拯一方之疾苦功贊九霄沛四野之滂膏
期在三日雲垂水立黑蜺躍而耕父潛踪
屏翳興而竣烏匿影將觸石而起膚寸
海氣同升有滄其淒興雨其祈國計與民生永賴謹
禱

幻水坵禱雨靈應記

程士鑑

幻水坳在利邑城北百有餘里瀕海斥鹵之中瀾漚
往來之地清身澆俗其地無井而汲取水禱雨輒
驗是爲聖水靈池云歲在丁酉嘉春不雨夏四月仍不
雨民皆懸相野無遺事心切憂之余以監造磚城
欽工甚重鳩功庶材日無暇晷廩廼延學博張君本大
爲文以禱于幻水之神取水以供諸龍王之廟恭
率同僚拜祈于堦下維時風猛日烈竊竊然惟不雨
是思抵暮海岬雲興雷電交作澍雨滂沱四郊霑足
然後知聖水之爲聖靈池之爲靈昭昭也爰爲誌以

磚石勒以貞珉以昭神貺以示來茲

到任誓告文

程士範

年月日利津縣知縣程士範敢昭告于

城隍之神曰士範遵祖父之遺教以心為本率性情

之梗介不貪是貞如敢刻意剝民天誅地滅倘或有

心枉法家破身危誓非虛文事求實際盡其在非

敢妄擬乎古之循良豈以好名祗求無愧為民之

母常自警之幽獨敢以慎

神明 神靈有赫倘其昭鑒謹告

利津縣大修城工碑記

程士範

國家承平百餘年郡邑城垣半剝風雨

天子乃詔直省大吏周巡相度分年繕治先發帑金
五百餘萬以更其費于是東省報修者四十二處利
津其一焉以三十二年四月興功工訖呂三十五年
五月易土爲甃以防斥鹵城之廣袤六里三分計一
千一百二十四丈高二丈趾厚一丈九尺上殺至一
丈二尺睥睨一千四百九十有六外內門臺各四座
炮臺十九座角臺四座其內門臺增高二尺上構飛

閣重簷其高丈有八尺更于城東南隅太清河汕刷
所經建石泊岍一道長四十丈二工共用磚七百三
十九萬有奇青石一千五百九十丈灰一千四十六
萬一千有奇瓦之屬四萬五百事木之屬六千五百
尺鐵之屬九千八百五十餘筋麻一萬一千葦索木
杙共十八萬有奇官僱匠夫總三十九萬六千一百
餘名共領銷司庫銀八萬六千二百餘兩余以菲才
肩修深思隕越選材督功不遑寧處三年僅而竣事
厥惟艱哉竊稽春秋內外城皆書于策重民力也我

皇上以工濟民不惜大農金錢措諸實用各憲承
流羣有司奉法版幹旣立估物者咸當其值受傭者
各稱其力趨事于來罔或竄惰仡仡言言金湯相望
至于海隅萬姓之庶萬世之固堂哉皇哉遐覽古初
孰與比烈卽利津一邑天下其視此矣茲事重大幸
底厥績僚吏士忙奔走相慶因伐石刻文以識歲月
縣丞丁君應甲兩學博劉君其焯張君本大典史狄
培巡檢周鐸皆以勤幹匡襄具有勞績例得備書

東城崇祀文昌並建朱衣閣記 程士範

庚寅春修城之役將藏邑之楮紳龐耆謁余而言曰
我侯之來撫津天星一紀矣毗恬于野士劭于庠誠
欣誠戴今茲版築事鉅而費繁顧未嘗以編管累民
再期就功卓乎懋哉僉惟新城之東門轟以傑閣近
臨支海遙揖岱宗震巽之方堪輿家所謂文明之都
也乞因高敞之地妥梓潼文昌帝君仍于稍南數十
武鼎建小閣祀世所稱朱衣神者以兆科名翊文運
其材瓦丹堊之費衆樂輸焉不敢以煩執事余以城
堞官地也建祠私情也二者慮不相中思之至于累

日乃得其說以諾之按文昌爲戴斗六星載天官書
其以木土崇奉謂司科第名籍者出于道流然其勸
行陰騭義本尙書與吾儒廸德積善之道足相發明
邑之士素多能文甲乙之科彬彬然雖士之自命與
國家之所以期士不僅在于是是亦何可少也余之
所爲徇衆請者竊以民之所欲天必從之倘自今雲
蒸鵲起士氣大昌則禮俗因之益厚蘄以少佐
聖天子壽考作人非有司之責歟于是聞者皆躍然
以喜賦材者不督而集鳩工者不扶而勉崇以像設

飾以蘭楯金甍百雉之上兩增偉觀選牲具醴諏日
祀神以落之旣嘉巨工之告成且嘉所部士民久諫
余政之勞拙而樂襄其所不逮也因涉筆記其緣起
俾鑄石陷諸壁永示來茲

重修城隍廟記

張本大

溥海內外都會郡縣莫不有城隍之神爲之禦災捍
患而福善禍淫者也

國家春秋報享典綦重矣津邑神祠在縣治之東偏
歷有年所自壬午歲水潦爲患住持非人棟宇傾圮

虞田隱沒 程明府 士範 蒞任茲土百廢具興首
清俸以倡其先而紀子 文圻亦邑之世有善行者也
爲之殫力助勦於其後凡門殿內寢廊廡垣墉悉皆
葺治完繕猶慮報賽無地復於殿前崇建歌樓以壯
觀瞻經費不下千金其廟地之盜侵者一一清釐追
復慎擇羽士以居之歷經冬暑而規模得以大定正
擬續修次工適明府有監督城垣之役易土爲甃昕
夕不遑以故兩廡神像尙未莊嚴正殿棖楹尙未黝
堊迨至庚寅春

欽工將竣徐議卒成其緒司馬寶君名興亦樂施以

助少尹狄君培遂請於明府謀及紀子廣告同善協

力鳩工未浹旬而集事不一月而告成金碧輝煌

靈赫濯風雨旣協彰瘳斯明迓神庥而膺多福厥功

詎不偉哉是爲記

詩

清河泛舟

少尹狄培

一水通城郭輕舟出渡頭波平雙槳利風靜片帆收
薄暮人將別新涼酒未休落霞明遠浦歌嘯向中流

城頭晚眺

狄培

不放襟懷窄城頭縱目看西南河水落東北海門寬
役竣秋成熟官閒民業安賓朋知我意日暮尙盤桓
九日同諸君子登東城樓

司訓

張本大

新墉矗畫樓古渡傍城頭帆曳千林影鴻書一字秋
有情天未老無恙客銷愁且酌金花酒休懷禿鬢羞
前題和韻

舉人

劉世傳

清河抱峻樓爽氣起津頭點水漁舟小衝雲雁陣秋
三層容坐嘯一醉笑開愁舊乏題糕句今應雪此羞

秋日清河晚眺

司理

湯朝械

一隄踈柳繪清秋水色遙空挹暮樓座洽蘭言堪重
味飲寬酒政任交頭安瀾場墅農功就集網歸帆漁
唱幽興盡莫教俱醕酌明朝還約泛舟遊

登永門城樓

狄培

三載馳驅畚鍤間金湯鞏固屹如山南襟河濟通鹽
艘北帶滄溟控鐵關日落市人爭渡急帆收估客誇
言蠻憑高極目同王粲咫尺長安未得攀

節婦吟

趙銅勳母

張本大

翠竹一叢栢十尋青葱不改舊時陰舞鸞清照
影匪石堅同化石心祇爲離愁題燕縷詎緣香
擧剪皮金於今畫荻功成日彤管揚輝萬古欽

海門觀潮

廩生

呂繼曾

暮秋天朗海風寒散步從容看激湍錦浪千層翻雪
湧碧波萬頃接雲端南樓縱目引甌越北島放懷控
趙韓衆壑朝宗歸澤國宇中久已慶安瀾

東津晴波

呂繼曾

渺渺晴開泛綠波流光激灑綺紋多金鰲日照浮鱗

甲畫鷁風廻起嘯歌人面渟
浚疑對鏡魚遊荇藻似
穿梭饒知聖澤深無限
濟水澄清孕太和

渤海觀潮

李嘉猷

巨津盛蹟甲廣寰
潮打銀灘浩淼間
碧浪猶環渤海
郡安瀾時渡鐵門關
朝昏有信盈虧仄
呼吸無端去
復還造化升沉留
色相滔滔江漢杳
難禁

李嘉言

放眼蒼茫幻眼開
洪鈞鼓盪勢喧
颺鯨龍巨浪
湧鼉吼奔雷動地來
爛浦倏還珠萬斛
鐵門

千堆好乘赤鯉尋潮信曾到三山第幾台

東津晚渡

薄毓泰

濟水何清清遙向滄海注舊繞玉帶長新撼金城固
爭出觀瀾門凌晨尋古渡河西城上樓河東村邊樹
中駕一葉舟鼓棹頻來去夾岸鋪青霜人烟雜朝霧
勞勞車馬客招招舟子住槳搖殘月影不覺曉風度
曙色迷離中欸乃聲無數疑是泛天津仙桂倘可遇
宿鷗帶波飛漁翁把釣具一幅水雲景誰與托家素
覽勝東渡頭伊人在何處

登東城樓集唐十二首

薄毓泰

城上高樓接大荒蓬萊宮在水中央烟開鰲背千尋

碧笑指東溟飲興長

柳宗元

白居易

文昌風景畫難成郭邑樓臺觸目驚一等孔門為弟

子幸容堦下禮先生

薛能

韋莊

東城結宇做千尋霄漢長懸捧日心新雁參差雲碧

處高秋望斷正長吟

李又

錢起

碧空雲斷水悠悠遠意閒登城上樓到此詩情應更

遠一聲長嘯海天秋

溫庭筠

韓翃

張籍

呂巖

危樓曲閣半天開
石上題詩掃綠苔
極目澄鮮無
際

景水光千里抱城來

劉憲白居易
薛翺許渾

浪花無際似瀟湘
櫓外千帆背夕陽
風月萬家河兩

岸踈松隔水奏笙簧

溫庭筠許渾
白居易杜甫

迢遞高城百尺樓
人家多住白鷗洲
烟波澹蕩搖空

碧海上生涯一釣舟

李商隱韓翃
白居易劉滄

何處風光不眼前
菊花村晚雁來天
野烟秋水蒼茫

遠薄暮人爭渡口船

王表來鵬
楊巨源寶鞏

此心兼笑野雲忙
城上行慵倚女牆
天接海門秋水

色丹霄誰肯借梯航

韓偓 白居易 李咸用

落日樓臺一笛風萬家殘照在河東才微易向風塵

老未掣鯨魚碧海

杜牧 薛能 郭震 杜甫

白鷺閒飛過遠村雲山何處訪桃源林光靜帶高城

晚獨宿東樓看海門

李嘉祐 戴叔倫 趙嘏 楊巨源

海浸城根老樹秋閒雲潭影日悠悠鳥飛天外斜陽

盡謝眺裁詩月滿樓

賈島 王勃 溫庭筠 武元衡

賦

登城賦

劉佩珂

登茲城以周覽兮何遠邇而峇嶷
瓊瓚堅緻而壁連
今協準繩而合度睥睨兀杲而鱗次兮聳碧落而于
霄巨石蹲屣而虬蟠兮若巖巖屬霸下負重而不搖池
陸輿衍而蜿蜒兮如虹蜺之飲澗而游龍之戲潮爾
其四門各雄于一方兮前迎薰而後鎮海朝京則萬
年傾葵觀瀾則終古奔滙層樓複閣岌業嶂隗雕甍
鳥革而爭竒畫欄翬飛而騰采當夫夏秋之交東南
之區河伯驕溢衆流委翰竹箭駟馬馳赴城隅不休
哉侯之爲此城也一勞永逸長慮遠圖欽崎纍石虎

卧龜跌碣漿礫液是灌是塗金隄綿亘彈壓不虞無
俟強弩叢射而怒濤爲之退避有如砥柱雄踞而狂
瀾遏其奔趨原夫地係齊疆星躔危度千乘渤海漢
唐之統轄攸分甕城角樓前代之增修有素奈傾圮
已久卑旣等于垤封而經營自今堅且同於鼓鑄于
是駭矚城內畫圖如披聖廟煥煥鼎新諸祠文昌魁
宿運開重離齋舍義學軒敞允宜橋梁街巷縱橫坦
夷千家蒟屋烟火櫛比臺榭翠緯瓦縫參差商賈輻
輳百貨繁滋坐屢列肆懋遷居竒若乃近聯城陰河

流榮帶芷葦沙渚偏宜漁父垂綸欵乃烟汀欣看鶯
工擊汰布帆無恙估客來自江南一葦可航利市通
於關外懿夫碁布桑井繡錯田疆烟村迤邐而葱藹
雲樹歷落而蒼茫饁婦田夫筐筥載依媚之色汙邪
甌窶豚孟卜豐稔之祥迺更縱目遐瞻海氣浩淼向
若而驚震盪昏曉百谷稱王四瀆皆小爲蛟龍之窟
穴禾泱漭而渺晶以至牧蠣之口鐵門之關黃蘆之
故址官竈之頽垣鹽灘之星列靈池之潏潏閭廁隱
顯皆若在指顧之間蓋其北達山海東連青萊南通

歷下西拱金臺賴斯城以固其保障亘萬年而崔嵬
斯

天家之所以壯輿圖而我侯藉以展其經濟之宏才
爰並作歌以誌美非競染翰于鄒枚歌曰邑有賢侯
兮造我福金湯鞏固兮水之澳雉堞巍薛兮森以矗
鎮其陬兮蛟螭伏若鼉負兮維坤軸麗譙幽邃兮更
漏肅犬不夜吠兮劍易憤河清海晏兮年穀熟何以
報之兮庚桑祝

利津縣志補卷六

事類志

類者不類者也取不類而類之不賢識小道斯存焉爾春秋常事不書而年穀之豐凶每著於冊凡以謹天戒重民瘼耳漢崇識緯之學焦京諸人推五五行之沴配以人事雖董子醇儒猶或不免失之穿鑿矣西狩獲麟不爲瑞桑穀共生不爲妖皆歸重於人事焉司民牧者答君貺曰召天和則心之誠否政之治忽考其應而慎

所感休祥之臻後世將不勝書矣作事類志第十六
近歲祥異

乾隆十八年海水漫溢

二十年水潮爲災

二十四年水潮爲災知縣程 勘詳請賑並請題豁

銀一千八百餘兩

三十年霪雨成災知縣程 勘詳請賑

三十一年河水成災知縣程 勘詳請賑

三十三年八月二十八九日海水泛溢溺死者百餘

人知縣程捐俸收瘞

牙海集言補

朱子

卷

記聞二則

雍正十三年夏博平教諭李五材後園廣僅十笏雜植花木中有太湖石一石旁忽產靈芝數本大者尺許小者數寸莖細頂圓如蓋形符圖畫有紅紫二色一時觀者如堵邑人李嘉猷所目睹者

原任江油知縣李愉年八十歲臨終前一日晨起居內室忽見一金人坐則與坐卧則與卧歷時甚久適子嘉猷嘉言自外至遂恍惚若有所失因詢日子來有見否對曰未也日適有金人在我旁坐卧相隨子

來始不見不知何故子曰父或夢境乎曰此事最真
非夢也舉家驚異次日五更起命子取冠帶結束畢
端坐而逝有僕王姓昌邑縣人偶假歸以此日至利
津早行途中忽見已故僚僕馬龍乘一黑馬飛奔前
來大呼曰爾來已晚主人已赴蘇州城隍任矣言畢
復絕馳而去王甚驚懼失措幾墮馬及抵主家果以
此日終舉家始悟前所見金人乃其化身也邑人皆
以愉自幼至老居家歷官正直無私其成神理也幸
怪也此事之不異而異者宜誌之

訖禱水全城一則

三十一年七月大清河水泛漲四溢城不浸者三版
城中居民哭聲震耳知縣程率狄尉晝夜守堞爲堵
禦之計因設祭於城東南隅而告之曰某等守官無
狀死不足慮而數萬生靈行將沉溺歲時享祀必誠
必信不應方割如此願集殃於某之身而赦我輩庶
當益潔牲粢以答神貺祝未已見有二蛇一赤一碧
自堞外蜿蜒而入皆驚視曰此殆龍也因相率叩首
哀懇至於涕泣蛇乃轉身出城而去水勢遂定然竟

以完水退之後乃建議督修兩岸河隄一萬四千餘丈三十二年又因修城請增護城石泊岸四十丈

補錄忠節許公全利津城池事

利津邑乘正德年間劉七等寇城不克去而城何以
不克則未之及余至棣州見鬻舍旁有忠節許公祠
廟貌煥然神像如生瞻拜之下不禁有忠義之感因
而摩抄古碑知忠節公功烈不獨在武定而樂陵最
著利津尤不可沒其令樂陵也平素浚濠增陴繕兵
積粟時劉齊二寇猖獗無忌賊至樂陵公親操矢石
突城出戰每戰必勝斬獲不下數百人於是賊相戒
不敢犯迨賊去樂陵又率劉七等全師攻利津公引

兵追擊直赴至高苑斬獲甚衆居民賴以無恙樂陵
武定皆建祠功績詳府乘而津志闕焉爰補錄之使
津邑世世知此輝九區所以不至爲蠶粉者公之功
也公諱達字汝登河南固始人正德年間進士授山
東樂陵令擢武定兵備道後死於宸濠之難贈左副
都御史謚曰忠節邑人李嘉言述